

آبونه شرائطی

ممالك عثمانیه ده سنه لکی (۶۵)، الق
آیلر (۳۵) غروشد .

ممالك اجنبیه ده سنه لکی (۱۷)، الق
آیلر (۹) فرانقدر .

اداره خانه

باب عالی جاده سیده دائرة مخصوصه

اضطارات

آبونه بدلی پشندر .

§

مملکه موافق آثار مع الممنونیه قبول
اولنور . درج ایدلمه یازیلر احاطه
اولونغاز .

تذکره

۱۳۳۰

اضطارات

رساله مزیدن آیدیمکی کو-تزلک شرطیه
بتون یازیلر هر هانکی بر غزنه طرفندن
اقتباس اولونه بیلیر .

§

مکنویلرک، امضالرک و ضح و اوقوناقلی
اولمسی و آبونه صره نومروسی محتوی
بولونمسی لازمدر .

§

ممالك اجنبیه ایچون آبونه اولانلرک
آدرس لریشک هر انسزجه ده یارلمسی و جا
اولنور .

§

پاره کوندرلدیکی، ان نه یه د ثراولدیغک
راضعا بیلدیلمسی و جا اولنور .

- ۸۳ — بحریه بیکباشیلرندن عثمان جودت بك
۸۴ — بحریه اماملرندن ضیا افندی
۸۵ — اجزاجی طاهر بك
۸۶ — دارالفنون السنه معلملرندن اورخان صلاح الدین بك
۸۷ — تلغراف قوتنرول قلمنده جمال بك
۸۸ — « رجب بك

طلبة علومه حرکت فکریه :

علمای کرام وطلبة علومه آچیق مکتوب

محرری محمدالدین افندی به

کچنکی مقاله کزله چوقدنبری دوشوندیکم حالده اطهار ایده مدیکم صاریق مسئله سنی بنده کزه تکرار تخطر ایتدیردیکیز. فی الحقیقه علمیه نك، اصحاب علمك بر علامت مخصوصه سی اولان صارینی هر کسك - حتی سزك دیدیکیز کچی بر حمالک بیله - باشنده کورنجه انسان صاعقه عصیتله همان اونی یا قالا یوب باشنده کی صاریقی بیرتمق ایسته یور. زواللی صاریق ! کیملره مخصوصدی ، کیملرک النده کزییور !

بعض کیملر - ینه باشنه صارینی صاریقله - شوراده بوراده سفسطه لر نشر ایدیور . مقصدی بر قاج غروش قوبارمقدن عبارت اولوبده او علامت فضیلتی اسباب تسئل و تأکل عد ایدن بو نوع خذله یا قالا نوب تجزیه ایدملی ؛ وعظ ایتک ، صاریق صارمق صلاحیتی حائز اولانلره باب مشیخت بالامتحنان هویت ورقلری و برملی ، بو ورقه یی حامل اولیانلر اصحاب فضیلته مخصوص کرسیلردن آتلیدیر . آه !... بر کره جر زمانی طشریه کیتسه کزده باقسه کز : باشنه صارینی صاریقله زواللی کویلیلری صویان و نتیجه ده آنلرک صاف ذهنلرینه ده بر قاج اساطیر یرلشدیره ن قاج دانه «طاقه خواجه» به راست کله جکسکیز . طشریه ده حاجت یوق . بر کره آیا صوفیه به کلیکزه باقیکیز : اسلامیتک اک بو یوک جامعنده بیله - جمعه نمازندن صوکره یوکسک کرسیده وعظ ایدن خواجه افندی کچی بعض ارباب حقیقتدن مستننا - لاف سویلکدن عاجز ، حقائق دینه دن بی خبر ، بر طاقم خرافا تحیلر وعظ ایتکله جسارت ایدرلرسه ارتق طشره لرده کی سوء استعمالی دوشونککیز . بو «اساطیر محزملری» دیکله یوبده استهزا کار بروصعیتله کولن اجنبیلری کورمک اسلاملر ایچون نه بویوک ذلت : بو حاللری کورونجه امین اولیکیز که ، باطلا یورم ، بوتون عصیت دینه و ملیهم تپه مدن یوقاری فیشقیریور . فقط نه چاره؟

بالله - قسمله سویله یورم - اصول عتیقه معترضلری ، افکار جدیده صاحب لری کفر ایله اتهام ایدن واعظلری ینه آیا صوفیه ده کوزمله کوردم . بردفعه باقیکیز : هر کسك ، هر مسلکک انظاری استقباله ، استقبالك بارلاق ، بارلاق کشفیات و تجدداتنه معطوف اولدینی حالده بونلر بالعکس کوزلری کری چویره رک اسلام پرستلک لرنده دوام ایدیور ..

آه .. ذاتاً بزى - یعنی طلبة علومى - بوتون تدقیقات حالیه واستقبالیه به بیکانه بیراقان هپ اسلام پرستلک دکلیدر ؟ ارتق بو حقیقتی بوتون آجیلغیه تصدیق ایدم . بویله خواجه لره و واعظ لره «ورنه اندیا» دکل ، «عبده فلوس» دیملی . عجبا فخر کائنات «ع . م» افندمزک «امتک علماسی بخ اسر ایل کیلدر» دیه مدح و افتخار ایتدیکی کیملر بویله می اولمیدی ؟ . مسلک علمیه ایچریسنده مزمن بر میقروب حالنده طفیلیکله یاشایان بو کچی اهلیت سزلی ارتق ایچمزدن طرد ایتلی یز . کرچه آرملرنده ارباب ککالات یوق دکل . فقط آنلر طرفندن پارلاتیلان بر قاج لمعه فضیلت بو واسع ظلمت جهالت و تعصبی تنویره کافی کله یور . بالعکس اوفضای ظلمت ایچنده انظافیه محکوم اولویور .

خلاصه ، مشیخت اسلامیه نك سمع اطلاعنه واصل اولمق ایچون عموم طلبه ارقداشلر بر اکده باغرییورز : بز اصلاحات ایسته رز ؛ تجددات ایسته رز ؛ بو علامت فضیلت اولان صارینی نااهللر ، خرافا تحیلر باشنده کورمک ایسته مه یز .

طلبة علومدن :

سعد الله

اکیب سائت

هلال - قارتال

غرب اردوسنک صوک قرارکاهی اولان «فیه رک» اولونیه یولی اوزرنده «بشدان» تپه سنده کی چادرم اوکنده معشوق وجدانم اولان هلاک طلوعنی تماشا ایدرکن بر طرفده توج ایدن قارتال بیراغنک کوکلده حصوله کتیردیکی انکسار و تأثرله اولونیه حربیه ناظرخی مخاطب عدایدرک قارملشدم . خاطره حرب اولمقله برابر بالنتیجه قارتالک چوق یشامیه جنی علائمه بلیرمکه باشلادینی جهتنه اهدا و تقدیم ایدیورم .

اشتیلی : ناجی

غزای اکبر اسلامه شاهد اولمشدی

هلال ، او نور سماوی ، او جلوه یزدان . .

هلالی خون شهیدانه یوز سورر کوردی ،

کزرکن ارض جهاد اوزره بر کیجه سلطان .

او پادشاه غزا باقدی او یله عبرتله ،

مقاصد شهادی بیانه همتله

چیزوب هلالی ده بر رایت ایلدی ایجاد :

دیدى ، مخاطب ایدوب صوکرمدن بز احفادی :

«باقوب بو سنجاغه کوردکجه خون اجدادی ،

هلاله بکره سین آمالکیز تعالیده ،

هپ اعتلا ایله وارث اولک بو اجداده .

سیاه بولوطلر ایچنده قالیرسه ده بر کون ،